


Headline **Mimos jalin kerjasama di Arab Saudi**
Date **25. Oct 2007** Language **MALAY**
Media Title **Berita Harian** Page No **22**
Section **Ekonomi** Article Size **222** cm2
Circulation **217991** Frequency **Daily**
Readership **762968** Color **Full Color**



Mimos jalin kerjasama di Arab Saudi



JALIN SEPAKATAN: Abdul Wahab (kiri) bertukar dokumen perjanjian dengan Dr Turki di Arab Saudi, semalam.

Headline Mimos jalin kerjasama di Arab Saudi
Date 25. Oct 2007
Media Title Berita Harian

MIMOS Bhd menjalin kerjasama dalam bidang penyelidikan dan pembangunan (R&D) dengan King Abdul Aziz City for Science and Technology (KACST), pertubuhan saintifik bebas yang berpangkalan di Riyadh, Arab Saudi.

Kerjasama itu adalah bagi menggalak serta mempromosikan R&D dalam bidang teknologi maklumat dan komunikasi (ICT) di kedua-dua negara dalam tempoh lima tahun akan datang.

Dalam satu kenyataan di Kuala Lumpur semalam, Mimos berkata, kerjasama yang dijalin itu membolehkan pertukaran serta pengkormesialan teknologi antara kedua-dua pihak.

Katanya, ia juga membolehkan kedua-dua pihak menggunakan kekuatan R&D masing-masing, berkongsi sumber dan bertukar hasil inovasi, terutama membabitkan industri ber-

teknologi tinggi.

“Antara bidang R&D yang dikenal pasti bagi tujuan kerjasama itu adalah informatik lanjutan, teknologi komunikasi, keselamatan ruang siber dan sistem enkripsi.

“Bidang lain termasuk sistem mikroelektro dan nanoelektro mekanikal, optik konvensional dan optik kuantum,” katanya Mimos dalam satu kenyataan di Kuala Lumpur, semalam.

Majlis memeterai perjanjian antara kedua-dua itu diadakan di Arab Saudi, semalam. Mimos diwakili Presiden dan Ketua Eksekutifnya, Datuk Abdul Wahab Abdullah manakala KACST oleh Naib Presiden Institut Kajiannya, Dr Turki Al Saud.

KASCT ditubuhkan pada 1977 bagi menyokong dan mempromosikan kajian saintifik dan mengatur aktiviti pusat serta institut kajian saintifik yang dirancang kerajaan Arab Saudi.